



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Philippo Dvnelmen. Episcopo.

**urn:nbn:de:hbz:466:1-20006**

literæ, in quibus fuit falsitas deprehensa, formam de simplici iustitia habuerunt, cum præsumi non debeat quod pro talibus literis, quæ de facili possunt à quibuslibet obtineri, fraudem commiserit falsitatis, ab ipso Presbytero canonica purgatione recepta quod conscius non fuerit falsitatis, nec literis illis usus est postquam eas falsas esse cognovit, tu ei diuinæ pietatis intuitu officium beneficiumque restituas, & eum super hoc ulterius non molestes: quia sicut iustum est excessus corrigere delinquentium, sic iniquum meritis reputatur, si severitas pœnæ puniat innocentes.

*ABBATI ET CONVENTUI  
sancti Edmundi.*

*Epist. 457.  
De consecra-  
tione Ecclesie  
ipforum.*

**C**um Ecclesia vestra Ecclesie Romanæ sit filia specialis, & ad eam nullo pertineat mediante, vos (unde prudentiam vestram dignis laudibus commendamus) ad apostolicam sedem tanquam ad caput vestrum in arduis ducitis recurrendum. Et quia Ecclesia ipsa nondum munus dedicationis accepit, super dedicatione ipsius à nobis licentiam postulastis. Nos ergo petitionibus vestris grato concurrentes assensu, postulatam licentiam indulgemus, concedentes etiam quod cruces & sanctorum imagines, quæ præ magnitudine sui de ipsa Ecclesia non possent absque dispensatione amoveri, in suis locis valeant remanere. Episcopis autem, quos ad dedicationem duxeritis invitandos, per apostolica scripta mandamus ut ad vocationem vestram veniant, quemadmodum postulastis. Datum Laterani Kal. Decembris.

*CLERICIS SANCTI PAULI  
de Castro Cervarij.*

*Epist. 458.  
Confirmat sen-  
tentiam pro il-  
lis latam circa  
jurisdictionem.*

**E**A quæ auctoritate apostolica ratione prævia statuuntur, ne in recidivæ quæstionis scrupulum relabatur, apostolico sunt munimine fulcienda. Ex literis siquidem dilecti filij nostri R. tituli sanctorum Marcellini & Petri Presbyteri Car. Casin. Abbatis nuper accepimus quod cum olim causam quæ vertebatur inter vos & Ecclesiam sanctæ Mariæ de Castro Cervarij super baptismate, de communi assensu partium ipsi duxerimus committendam, idem visis utriusque partis rationibus & plenius intellectis, pro vobis sententiam

promulgavit; Clericis prædictæ Ecclesie sanctæ Mariæ firmiter inhibens ne vobis molestiam vel gravamen inferrent quò minus pueros parochianorum vestrorum liberè sic baptizare possentis, cum vestra Ecclesia ipsi Ecclesie sanctæ Mariæ in nullo subiaceat, & iidem parochiani in Ecclesia vestra cetera percipiant ecclesiastica sacramenta. Nos igitur quod à prædicto Abbate factum est ratum habentes, sententiam ipsam, sicut rationabiliter lata est, vel legitimæ appellationis remedio sublevata, auctoritate apostolica confirmamus, & præsentis scripti pagina communimus. Decernimus ergo ut nulli &c. Datum Laterani V. Kal. Decembris.

*PRIORI ET CONVENTUI  
Ecclesie Dunelmen.*

*Epist. 459.  
Vt majoribus  
in rebus Abba-  
tis semper con-  
sensum requi-  
rant.*

**I**S est Prælatorum ad subditos & subditorum ad Prælatos suos dilectionis & concordie servandus affectus, ut nec illi qui præsumunt, subjectorum jura perturbent, nec qui subsunt, iustitiæ derogent præsentium, vel attentent præter eorum assensum quæ cum ipsorum tenentur conscientia pertractare. Sanè cum venerabilis frater noster P. Dunelmen. Episcopus inter vos vices gerat Abbatis, nec ei nocere debeat quod episcopali præminet dignitate, in his ejus est à vobis requirendus assensus quæ præter Abbatis assensum vobis agere non liceret. Eapropter auctoritate præsentium districtius inhibemus ne præter conniventiam ejus vicem super hoc gerentis Abbatis Ecclesias assignare, alienare possessiones, vel conficere super alienationibus instrumenta, Priores instituere vel ministros, & alia quælibet in quibus Abbatis esset necessarius assensus, attentare aliquatenus præsumatis contra consuetudinem regularem. Quod si præter consensum ipsius & inhibitionem præsentem aliquid (quod non credimus) super his duxeritis præsumendum, id irritum decernimus penitus & inane. Nulli ergo &c. nostræ inhibitionis &c. Dat. Laterani VI. Idus Decembris.

*PHILIPPO DVNELMEN.  
Episcopo.*

*Epist. 460.  
Quo tempore  
conferenda sint  
beneficia, &*

**V**T negligentium quorundam desidiæ prædecessores nostri Romani Pontifices ad sollicitudinem excita-

quando ad superiorem devoluantur.

\* Leg. Conventibus, aut Collegiis, aut Capitulis

Cap. Nulla. De concess. præb.

rent, & obviarent fortius cupiditati multorum, qui vacantes Ecclesias suis usibus applicabant, tam antiquis temporibus quam modernis certum tempus Canonicis & Conciliis præfixerunt ultra quod nec Ecclesiæ debeant nec ecclesiastica beneficia seu præbendæ vacare; non approbantes quod tamdiu vacant, sed præcaventes ne diutius Ecclesia quælibet solito ministrorum obsequio defrauderetur. Nos etiam ipsorum ac præsertim felicis recordationis Alexandri Papæ prædecessoris nostri statuta sequentes, auctoritate tibi præsentium indulgemus ut si monachi Dunelmen. vel alij quilibet lege diocesana tibi subjecti Ecclesias vel præbendas ad suam donationem spectantes ultra tempus in Lateranen. Concilio diffinitum vacare permiserint, ex tunc, monitione præmissa, sublato appellationis obstaculo, eas tibi liceat idoneis conferre personis. Nulli ergo &c. Datum ut supra.

EPISCOPO CESEMAT.

Epist. 461. De relaxando interdicto.

**R**ediens de partibus Marchiæ dilectus filius C. tt. sancti Laurentij in Lucina Presbyter Cardinalis, in quibus legationem sedis apostolica habuerat, apostolatu nostro exposuit quod pro eo quod Cesenates cum Marchoardo juraverant, & sæpius requisiti ad fidelitatem Ecclesiæ redire noluerunt, terram ipsam interdicto supposuit. Quia verò, sicut iam per literas tuas quam etiam populi Cesenat. nobis præsentatas accepimus, Marchoardi societatem penitus reliquerunt, cum aliis civitatibus Romandiolæ conjurantes; tuis & ipsorum precibus inclinati, fraternitati tuæ per apost. scripta mandamus quatenus recepto à tot & talibus quot & quales pro societate Ravennat. de Cesenat. juraverunt, secundum formam Ecclesiæ juramento quod super his pro quibus interdicti fuerunt nostro debeant parere mandato, interdictum auctoritate nostra relaxes, reservans mandatum usque ad nostræ beneplacitum voluntatis. Datum Laterani Idibus Decembris.

RAD. PETRAGORICEN.

Episcopo.

Epist. 462. Quod laici decimas à Clericis exigere non possint.

**Q**voniam indignum est, & rationi contrarium, ut laici, qui personis ecclesiasticis decimas tenentur exolvere, eas à Clericis rerum ordine præ-

postera confusione turbato extorquere præsumant, ad petitionem tuam universis monasteriis, Ecclesiis, & Clericis tuæ diocesis duximus indulgendum, ut si forte quilibet laici suo nomine decimas ab eis amodo consuetudinis obtentu longævæ vel aliis occasionibus duxerint exigendas, sit eis liberum quod ita postulabitur denegare. Si verò laici, suæ animositatis spiritu concitati, violenter aliquid voluerint adversus præsentis indulti beneficium attentare, tua fraternitas appellatione remota eos ecclesiastico interdicto supponat. Datum Laterani XVIII. Kal. Januarij.

CAPITULO ARELATENSI.

**Q**vanto recentior est in Ecclesia vestra religionis introducta plantatio, tanto diligentius in ipsis primordiis est cavendum ne aliquid honestati contrarium nutriatur, quod cum ex consuetudine fuerit confirmatum, ordinis claritatem obtineat, & difficilius, postquam invaluerit, extirpetur. Cum autem ubi regularis ordinis professio antecessit, una esse debeat mensa fratrum, & unum dormitorium eorundem, nisi aliquem quandoque infirmitas vel alia iusta causa excludat, præsentis scripti pagina prohibemus ne aliquis vestrum, post factam professionem, nec etiam aliquis Canonicorum seu Clericorum secularium, obtentu alicujus consuetudinis cibos, qui sibi ex administratione quotidiani stipendij apponuntur, extra claustrum vestrum de cetero audeat exportare; sed infra, in locis ad hoc specialiter deputatis, simul dormiant, & manducent. Statuimus insuper & auctoritate apostolica prohibemus ne aliquis Canonicus vel Clericus Capitulis vestris aliqua occasione nolentibus vobis intersit, nec quisquam ex ipsis vestibus rubeis vel viridibus seu capis manicatis vel aliis religioni contrariis uti aliqua insolentia seu temeritate præsumat. quod abjectæ secularitatis saperet verustatem, & scandalum in populo generaret. Illi verò qui super præmissis culpabiles de cetero potuerint inveniri, secundum Archiepiscopi vestri arbitrium canonicam subeant appellatione postposita ultionem. Constituimus etiam & præsentium auctoritate sancimus ut Clerici Ecclesiæ vestræ, qui non possunt, prout optarent, in ipsa Canonici fieri seculari.

Epist. 461. Quædam Statuta super viis ipsorum mutantur.

Epist. 461. Quædam Statuta super viis ipsorum mutantur.